



Inatsisartunut ilaasortaq
Per Berthelsen
Demokraatit

Qallunaat nunaanni gymnasianik aqqissuuseqqinneq pillugu Per Berthelsenimut, Demokraatit, akissut

Inatsisartunut ilaasortaq Per Berthelsen, Demokraatit, Naalakkersuisunut arlalinnik apeqquaqarpoq imatut akineqartunik:

1. Augusti qaammataagaa 2006 qallunaaqqat gymasiarlutik aallartittut tassaapput siullerpaallutik ilinnialersut gymnasiamik aqqissuuseqqinnerup kingorna. Gymnasiap aqqissuuteqqinnera taanna Kalaallit Nunaanni ilinniartitaanermut ataqatigiissumik aqqissuunneqarsimava?

Kalaallit Nunaanni gymnasiamik ilinniartitaanerit, GU, HHX aama HTX imarisamikkut inatsisitigullu danskit ilinniartitaanermut minstereqarfiannut pituttorsimapput. Taamaallit tassaapput ilinniartitaanerit Danmarkimi gymnasiamik ilinniartitaanernut sanilliunneqarsinnaasut: Gymasiarnerq nalinginnaasoq, inuussutissarsiutitigut gymasiarluni ilinniartitaaneq aammalu HF-imik ilinniartitaaneq. Kalaallit Nunaanni gymnasiamik ilinniartitaanerit taamaallit ingerlaqqiffiusumik ilinniartitaanernut toqqaannartumik piginnaatitaaffiullutik – aammattaaq Danmarkimi nunani allani.

Danskit nutaamik gymnasiamik aqqissuuseqqinnerat Kalaallit Nunaanni ilinniartitaanernut ilanngullugu pilersinneqassanngilaq. Naalakkersuisoqarfiup tamatumunga taarsiullugu Kalaallit Nunaanni gymnasiami ilinniartitaanerit aqqissuuteqqinneqarnissaasa aallartinneqarnissaat toqqarpaa. Aqqissuuseqqinneq taanna kingusinnerpaamik 2009-mi piviusunngortinneqassasoq naatsorsuutigineqarpoq.

1.a Taammaattoqangippat, Naalakkersuisut pilersaaruteqarpat taamaalior-nissaminnut?

Danskit gymnasiami ilinniartitaanerisa kingunnerannik Kalaallit Nunaanni gymnasiami ilinniartitaanerit taamaangajattut taamaattumik naleqqussarneqarnerat ingerlanneqassaaq kingusinnerpaamik 2009-mi augustip tungaanut atuuttussamik, tamatumani Kalaallit Nunaanni gymnasiami ilinniartitaanertigut aqqissuuseqqinneq atuutilissalluni. Naleqqussaaneq tamanna Ilinniartitaanermut ministereqarfiup KIIP suleqatigalugu 2005-imi upernaakkut aallartippaa, peqqussutillu aammalu

7. april 2006
J.nr. 02.23-00004
Dok.nr.159443
Postboks 1029
3900 Nuuk
Oq/tel +299 34 50 00
Fax +299 32 20 73
Kiip-mail@gh.gl
www.nanoq.gl/kiip

nalunaarutit pillugit tusarniaanikkut naammasseqqammersukkut naammassinissami naggataaniilluni. Naleqqussaaneq 2006-imi augustimi atuutilissaaq.

2. Kalaallit Nunaanni gymnasialutik ilinniartunut qanoq kinguneqarsinnaava, soraarummeerutigineqassappat, qallunaat nunaanni pisunut ataqatigiissitaagaanngitsumik?

Kinguneqassanngilaq, tassami Kalaallit Nunaanni gymnasiami ilinniartut naleqqussaaneq aqqissuusseqqinnerullu ingerlaneranni tamarmi soraarummeertassammata danskit gymnasiami ilinniartitaanerannut assingusumik.

3. Tamanna ajoqutilimmik kinguneqassagaluarpat, qanoq Naalackersuisut iluaqutaasinnaasunik suliniuteqassamaarpat?

Naalackersuisoqarfiup ajoqutilittut kingunissanik sunilluunniit siumut naatsorsuuteqanngillat, tassami Kalaallit Nunaanni gymnasiami ilinniartut naleqqussaaneq aqqissuusseqqinnerullu ingerlaneranni tamarmi soraarummeersinneqartuattassammata Kalaallit Nunaanni, Danmarkimi nunanilu allani ingerlaqqiffiusumik ilinniartitaanernut piginnaatitsisunik.

Ikinngutinnersumik inuulluaqqusillunga

Doris Jakobsen

Naalackersuisunut ilaasortaq